

2025EKO MARTXOAREN 27KO **OHIKO OSOKO BILKURA**

Lazkaoko Udaletxean, bi mila eta hogeita bosteko martxoaren hogeita zazpian, arratsaldeko sei eta erdietan, Lazkaoko Udal Osoa bildu da, aurrez honetarako deialdia egin delarik, Kepa Zubiarrain Erauskin Alkatearen lehendakaritzapean, ohiko batzaraldia egin asmoz.

Bertaratutako zinegotziak honako hauek dira: Eneritz Miranda Muxika, Aitor Altuna Oiarbide, Amagoia Naldaiz Mingo, Josetxo Sese Eztala, Unbe Echaniz Perez, Aritz Goicoechea Gonzalez de Audicana, Joxemai Ormazabal Sukia, Aitziber Azurmendi Imaz, Egoitz Bergara Azpirotz, Maialen Amundarain Irizar, Maria Carolina Aguirre Mastrangelo eta Haritz Antoñanzas Urdangarin.

Idazkari lanetan Idoia Garmendia Callejak dihardu.

Aitana Amondarain Eskisabel Kontu-hartzaileak ere bileran parte hartu du.

I.- AURREKO AKTA.-

Alkateak bilkurari hasiera eman ondoren, bertaratutakoen onespenera aurkeztu da 2025eko otsailaren 27an egindako ohiko bilkurako akta, eta idatzita dagoen moduan onartu da.

II.- ALKATETZAREN EBAZPENEN BERRI EMATEA.-

Ondoren Alkateak azken Osoko Bilkuratik gaur arte emandako Alkatezaren Ebazpenen berri eman du, ebazpen hauen zenbakizko laburpen baten bidez.

Osoko Bilkura jakinaren gainean gelditu da.

III.- 2024KO AURREKONTUAREN LIKIDAZIOAREN BERRI EMATEA.-

Kontu-hartzaileak 2024ko aurrekontu likidazioaren berri eman du.

2024ko aurrekontu likidazio honetan gastu orokorretarako diruzaintzako gerakina 7.655.252,83 €-koa da, aurrekontu emaitza -3.372.902,11 €-koa eta aurrekontu emaitza doitua 2.358.409,23 €-koa.

Honez gain, Kontu-hartzaileak azaldu du gastuaren araua bete ez denez, Plan Ekonomiko Finantzarioa egin behar duela Udalak.

Osoko Bilkura jakinaren gainean gelditu da.

IV.- KREDITU TXERTAKETA BIDEZKO 1 ZENBAKIDUN KREDITU ALDAKETAREN ESPE-
DIENTEAREN BERRI EMATEA.-

Ondoren Alkateak, aurreko ekitaldiko Aurrekontutik datozen kreditu-gerakinak Udalaren 2025eko Aurrekontuari txertatu izanaren ondoriozko 1 zk. kreditu-aldaketarako espedientea onesteko emandako Alkatetzaren Ebazpenaren berri eman du.

Osoko Bilkura jakinaren ganean gelditu da.

V.- KREDITU GEHIGARRI BIDEZKO 2 ZENBAKIDUN KREDITU ALDAKETAREN ESPEDIEN-
TEAREN BERRI EMATEA.-

Alkateak, Ebazpen bidez onartutako kreditu gehigarri bidezko 2. kreditu aldaketa-
ren berri eman du.

Osoko Bilkura jakinaren ganean gelditu da.

VI. KREDITU GEHIGARRI BIDEZKO 3 ZENBAKIDUN KREDITU ALDAKETAREN ESPEDIEN-
TEA.-

Udal honetako aurrekontuari eragiten dion kreditu gehigarrien bidez egin beharreko
kreditu aldaketarako espedientea irakurri da.

Kontu-hartzaileak egindako txostenak dioenez, aipatutako espedientea aplikagarria
zaion araudiari egokitzen zaio, eta zehazki Udal Entitateen Aurrekontuei buruzko abendua-
ren 19ko 21/2003 Foru Arauaren 34. artikuluan ezarritako beharkizun eta tramiteei.

Era berean, Ogasun Batzordeak egindako aldeko txostena eta onespen proposame-
na irakurri dira.

Alkateak kreditu aldaketa proposamenaren xehetasunaren azalpena egin du.

Hau guztia honela, gaia bozketan jarri da eta Osoko Bilkurak, aho batez, honako
akordio hauek hartu ditu:

Lehenik.- Udal honen aurtengo ekitaldiko aurrekontuari eragiten dion kreditu gehigarrien
bidez egin beharreko 3 zenbakidun kreditu aldaketarako espedientea onestea, proposame-
naren eta ondoko kapitulukako laburpenaren arabera:

KREDITU GEHIKUNTZAK

Kapituluak	Izena	Gehikuntzak
II	Gastuak ondasun arrunt eta zerbitzuetan	79.000,00 €

VI	Inbertsio errealak	70.000,00 €
GEHIKUNTZAK GUZTIRA		149.000,00 €

FINANTZATZEN DITUZTEN BALIABIDEAK

Kapitulua	Izena	Zenbatekoa
VIII	Finantza aktiboak	149.000,00 €
GUZTIRA		149.000,00 €

Bigarren.- Jendaurrean ikusgai jartzea, erreklamazioen ondorioetarako. Erreklamaziorik aurkezten ez bada, erabaki hau behin betikotzat joko da. Espediente honi Aurrekontu Orokorra onesteko ezarritako gainerako tramiteak eman beharko zaizkio.

VII.- KIROLDEGIA HANDITZEKO 5.1 FASEKO OBRAREN 32. OBRA EGIAZTAGIRIA.-

Echaniz zinegotzia (EAJ-PNV) abstenitu egin da eta aretotik irten da.

Joxemiel Barandiaran kiroldegiaren birmoldaketa lanen obra zuzendaritza daramaten Jovino Martinez Sierra arkitektoak eta Alberto Olabarrieta Etxeberria arkitekto teknikoak lan hauen obra egiaztatzea egin dute.

Hogeita hamabigarren obra egiaztatzea LAUROGEITA BOST MILA ZORTZIEHUN ETA HIRUROGEITA HAMALAU EURO ETA HIRUROGEITA HAMAZAZPI ZENTIMOKoa ==== (85.874,77 €) da, gehi BEZ.

Lanak Iparragirre Eraikuntza Lanak S.L. enpresa ari da burutzen.

Udal teknikariak oniritzia eman dio ziurtagiri honi.

Ormazabal zinegotziak (EH Bildu) dio gai honen inguruan abstenitzen jarraituko dutela.

Hau guztia kontuan izanda, Hirigintza, Etxebizitza eta Zerbitzuetako batzordearen proposamenaren aurrean, Osoko Bilkurak, aldeko 6 boto (EAJ-PNV), aurkako botorik gabe eta 6 abstentzioz (EH Bildu), Alkatearen kalitatezko botoarekin, ziurtagiri hau onartu du.

VIII.- GALDERAK ETA ERREGUAK.-

Echaniz zinegotzia (EAJ-PNV) pleno aretora bueltatu da.

Ez da galderarik egon.

IX.- BILERAREN AMAIERA.-

Eta eztabaidatzeko beste gairik ez dagoenez, Alkateak bilera amaitutzat jo du arratsaldeko zazpiak eta bost direnean eta nik, Idazkariak, guztiaren akta jaso eta ziurtatzen dut.